

1-§. UMUMIY QOIDALAR

1. Mazkur standartning maqsadi buxgalteriya balansida aktivlar, o'z sarmoyasi va majburiyatlarning mohiyati va taqdim etilishini belgilash hisoblanadi. Standart moliyaviy hisobotning tarkibiy qismi sifatida buxgalteriya balansini topshirish chog'ida oshkor qilinadigan axborotga qo'yiladigan talablarni o'z ichiga oladi. Ushbu talablar boshqa standartlarda mavjud bo'lgan hamda buxgalteriya hisobining o'ziga xos muammolarini qamrab oladigan oshkor qilish talablariga muvofiq to'ldirilishi mumkin.

2. Buxgalteriya balansi moliyaviy hisobotning tarkibiy qismlaridan biri hisoblanadi, xo'jalik yurituvchi sub'yektning mulkiy va moliyaviy ahvoli haqidagi axborotni to'playdi hamda oshkor qiladi.

3. Xo'jalik yurituvchi sub'yektlar tomonidan (byudjet tashkilotlari, banklar va boshqa kredit tashkilotlari bundan mustasno) buxgalteriya balansini tayyorlash va oshkor qilish jarayonida mazkur standart talablari bajarilishi lozim.